

PRAVILNIK BH MASTERS 2011

Ovim Pravilnikom se utvrđuju kriteriji za učestvovanje na turniru BH Masters 2011.

član 1.

Pravo učestvovanja na BH Masters turniru imaju igrači koji su članovi registrovanih BiH klubova odnosno Klubova koji su izmirili obaveze članarine za igrače prema Golf Asocijaciji Bosne i Hercegovine. Pravo učestvovanja također imaju golferi/golferice koje su imali barem 2 nastupa na kvalifikacionim mečevima koji se nalaze u članu 3. Pravilnika.

Ovo pravilo se ne odnosi na pozivnicu organizatora.

član 2.

Masters će se odigrati na Golf igralištu VF-a u Sarajevu u terminu **14.15. i 16. 10. 2011.** Datum odigravanja može se pomjeriti zbog nepredviđenih okolnosti. Na BH Masters-u učestvuje 21 igrač. 3 Dame su iz Golf kluba Sarajevo, dok kod gospode učestvuje 10 igrača iz Golf Kluba Sarajevo, 6 igrača iz Golf Kluba Posušje. Maksimalno 2 igrača/igračica sa pozivnicom Golf Asocijacije.

član 3.

Kvalifikacioni turniri su:

- VII Državno prvenstvo u Sarajevu 4. i 5.06.2011.
- Prvenstvo Golf Kluba Sarajevo Bled 22. i 23.07.2011.
- VI KUP Bosne i Hercegovine u Sarajevu 14. i 15.09.2011.

član 4.

Način bodovanja:

Posto se svi turniri igraju po stableford sistemu, bodovanje će se vršiti prema bruto poenima

1 – 5 bruto	5 poena
6 – 10 bruto	10 poena
11 – 15 bruto	15 poena
16 – 20 bruto	20 poena
21 – 25 bruto	25 poena
26 – 30 bruto	30 poena
preko 30 bruto	50 poena

član 5.

BH Mastersa 2011 se igra 3 dana. Svaki dan se igra 18 rupa. Igrači su raspoređeni u grupe (flight) po 3 igrača, odnosno 6 grupa po 3 igrača i 1 grupa od 3 dame.

Način igre je STROKE.

Igra se po Pravilima St.Andrews i lokalnim pravilima igrališta.

Pobjednik je igrač/igračica koja ima najmanji broj udaraca. Nagrade najboljima su za prva tri mjesta u dvije kategorije. Proglašenje najboljih će biti odmah po završetku turnira.

član 6.

Grupe će za prvi dan biti raspoređene po osvojenim poenima na kvalifikacionim turnirima, a ostalim danima po rezultatima iz prethodnog dana, odnosno treći dan po zbiru prethodna dva dana. Najkasnije do 25.09.2011. Golf Asocijacija će objaviti spisak igrača koji su izborili učestvovanje na BH Mastersu 2011. Kotizacija po učesniku iznosi 100 KM. Ako igrač odustane ili je spriječen da učestvuje, otkazni rok je 3 dana prije početka BH Mastersa odnosno 11.10.2011. godine do 12 sati. Poslije ovog roka igrač koji je odustao, a nije prijavio odustajanje plaća kaznu Golf Asocijaciji BiH u iznosu od 500,00 KM.

član 7.

U slučaju odustajanja, odnosno otkaza u regularnom otkaznom roku, kao zamjena nastupaju igrači koji su u kvalifikacijama imali najviše poena poslije plasiranih u BH Mastersu.

član 8.

Rok za prijavu je 08.10.2011. do 18 sati. Igrači se prijavljuju putem www.bhgolf.ba preko svog ID broja.

član 9.

Žalba iznosi 100,00 KM. Žalba se može predati najkasnije 10 minuta poslije preliminarnih rezultata u pisanoj formi.

Organizacioni odbor kao i sudijski odbor: Asim Omanić, predsjednik, Ante Kolobarić i Dejan Šaran članovi.

Predsjednik
Jasmin Selmanagić

Dostavljeno:

- arhivi Golf Asocijacije
- Golf klub „Sarajevo“
- Golf klub „Posušje“